

棟

亭

詩

鈔

棟亭詩鈔目錄

卷三

朱園看梅憶子猷次同人韻

三月六日登鼓樓看花

後陶索酒看城西花戲柬

雨中牡丹

送亮生遊閩

題雲辨上人小冊

孔雀

題馬竹溪藏八大山人畫鹿

宋牧仲中丞見招深靜軒軒舊爲官廚中丞
新闢以款客奉和二韻

閤門開帆口號

歸舟口號和宋中丞後園六絕句

題明妃圖

射堂柳已成行命兒輩習射作三捷句寄子
猷

赴淮舟行雜詩十二首

廊前玉蘭

雨中飲餞醉甚卧輿中行三十里始醒戲題

一首

雨霽望龍潭諸山

玉山僧院牡丹

發橫林未到錫山六十里示同舍

雨霽過滄浪亭遲悔菴先生不至和壁間漫

堂中丞韻

三月九日田梅岑攜二家詩見訪集後陶寓

齋梅岑有作和之兼傷雪帆

高鶴修琴友索贈時寓僧樓即事戲之

題廊前玉蘭二斷句

西堂新種牡丹雨夜置酒限沉香亭三字
三月二十六日登舟值雨漫題

過燕子磯

夜雨宿玉山寺

和靜拙翁圍爐原韻

送陳吉士

西池集飲喜晤陳心簡侍衛

雨中和漁村韻

魚廠漫題贈朱遵雲

題周雪客廬山托鉢圖

晚晴述事有懷芷園

雨夕送令彰還廣陵

戲送錢穆孫

諸敏菴彈平調琵琶手法特妙無和之者感

賦長句

題畫有感

贈武元樸

觀奕口占和漁村

看西廊秋葉

戲題李萊嵩使君新舫

經郊城從行摘柿偶述

過沂水有懷芷園弟

九月七日蒙陰曉發

過溪

聞杜漁村述方逸巢近况即和滕齋詩奉東
逸巢讀是痛非真臂句作詩見荅復和一首
廳前紅梅初開折一枝寄子猷索詩

耦長索題行卷

西軒

支俸金鑄酒鎗一枚寄二弟生辰

引鏡謝客

聞靜夫傷臂口占二詩慰之

送朱林修北試

棟亭詩鈔卷三

千山曹寅子清謨

朱園看梅憶子猷次同人韻

中春陟梅園出谷復入谷芳條不可折秀色奪人目
高風散餘靄夕景斂山綠啓塗更休駕從騎莫紛
逐當門誇窈窕潔若理膏沐餐勝洵此遊竟日少
重複寧辭白雪唱聊借朱絃肅主人具茗飲野客
坐高麓清琴鳴花巔微韻入茅屋狡紅愁退色縞
素盡歸朴乃知清冷聲真賞在草木我行石城東
每擬寫橫幅遠慚北枝妙把筆手先縮何當絕

谿徑來往伴幽獨有情終未遂詎止戀三宿

三月六日登鼓樓看花

東風澹蕩搖晴煙城西天桃紅欲然約略谿山十
餘里侵曉出門春可憐昔我髮未燥遊戲窮崖巔
生憎圉人控驕馬絕愛牧兒飄紙鳶爾來三十有
七載看花恍惚如遊仙三杯故事公讌酒半日送
客遊春鞭人生富貴聊復耳懷抱于今何有焉桃
花紛蓓粲鍾山遙拄連雲陰遞變幻麗景爭淒妍
蔓草零露不足慨怪爾青紅間色相連蜨譬以張
錦俗莫譽將貽續繪神難全鳳凰一去李白死大

塊煥逞雲霞篇屋角鳴鳩催急賞街頭士女羣喧
闌枯荷包鮓絲絡榼薺花壓鬢輿摩肩太平有象
此足樂冠蓋無事宜周旋煌煌麗譙藏聖諭草
木暢茂當皇天憑高餐勝忘歸去後時追憶如何
年

後陶索酒看城西花戲東

毘陵臘酒白如酥取助官廚不用沽桃李漫山人
坐卧一雙蠻榼罄來無

雨中牡丹

十日笙歌興劇闌殘枝仍耐雨中看香披翠幕醒

初解淚漬霞渦膩不乾
僉俗煎酥矜韻事
北人用蘇煎華
工留譜擗清湍文通漫歎風流盡
容易雕簷蠟炬寒

送亮生遊閩

橫絕文林世不知
誰供五木解嘲時
回頭破帽真堪溺
自向漳州喫荔枝
嘗自負爲袁彥道

天壤漁村名實同
三年曾伴信天翁
釣竿此去如相訊
腸斷吳門春夢中
漁村初意由浙入閩

夢遊震澤醒佳廬
坡老當年語不虛
聞說扁舟重料理
幾多風景勝南徐
又改道由江西南行

琤琮白雨濺空堂三板江船穩勝牀急去炎方寧
有意摩娑老眼看扶桑

題雲辨上人小冊

自縛茗華掃落花碧雲時遣寸心遐南拊不是無
車馬老樹匡牀只戀家

孔雀

離鳥愛其尾弄影晴堦前風煙一照燭毛羽何新
鮮披揚拂綵縷錯落排金錢勢如龍鬣張狀若車
轂圓交鱗側修頸進步聯高拳不鳴亦臍膊欲顧
多蜿蜒終同雞擇時實類馬惜羈有時妬紅紫獨

立愁雲天緬彼東南飛安知西北偏充君堂下珍
聊吟池上篇懿哉蔭嘉樹舞鶴方翩翩

題馬竹溪藏八大山人畫鹿

豐草長林獨離羣四時風角祝朝昕何因不畫青
田鶴叱馭雙雙禮白雲

久識山中猿鳥性孤蹤不用狎林泉西風秃尾田
間道亦解掀脣鳴向天

宋牧仲中丞見招深淨軒軒舊爲官廚中

丞新闢以欸客奉和二韻

渤澥有時淺震澤何須深即除庖湍汙遐見滄浪

心三吳民壽康百吏秉規箴臺觀詎云侈絲竹非
荒淫中丞獨儒雅示撫無絃琴叨承郎舍舊許闕
文字林飯我商丘麥散步清池陰隨風振蘭藻不
覺畫戟森所以覆高葉野鳥懷其音

嗜好無等倫同此眼根淨圓荷與疎柳入望已清
勁端居用焦勞硯格久遠屏想當微雨際自扣玉
塵柄我行循東牆堅坐樹影正歸來覺愴恍浪楫
逐飛迸徒羨濠上樂未喻摩詰病夜涼草短札盥
手待新咏

閩門開帆口號

斟酌橋邊雨乍晴
闔閭城外片帆輕
梅花逐客春無主
誰信東風不世情

歸舟口號和宋中丞後園六絕句

歸懷稱好風舟楫自容與
早市酒花香梁谿共誰語

平川麥一翦百里帆全開
何如故鄉道沙燕掠塵來

船尾枕櫓眠春浪分左右
百閑看一忙高下舵師手

細雲不吐葉垂申風力加
郵亭十四五數到棟亭

花

日長眼易倦遠山青一匝遮莫解吳醒京江綠頭
鴨

風帆亦復幽煙花不可留長遊無一事三月下揚
州

題明妃圖

豐貂不煖女兒心琵琶自作關支語千年青塚黑
河深綠鬢文姬歸漢去君不見輜輶萬兩嫁烏孫
浴鐵千羣迎主婦東風野草華山畿鴛鴦雙宿韓
馮樹

射堂柳已成行命兒輩習射作三捷句寄

子猷

前年風雪尚蓬頭幾日纖條竟綠稠無限蜩螳齊
沸了又攜兒輩踏晴秋

繩量馬道不欽斜雁字排栽築水沙世代暗傷弓
力弱交牀側坐捻翎花

畫鼓鼕鼕簇羽繁黃塵命舞亦軒軒金城涕淚他
年事特寫新詩寄芷園

赴淮舟行雜詩十二首

荒江乘遠眺餘靄薄西陵沙草微喧雁菰蘆暗構

燈民瘼謀野得生業媿漁能冉冉孤帆興滄浪去
未曾

離程半九十愁對隔江峰寒沙爭飛鳥晴沙隱卧
龍行歌惟牧豎荷簣有村農取次棲霞近丹楓暗
幾重

回帆重起碇月沒青山頭旋旋鴉盤曙蒼蒼霧翳
洲浮光延蚤景穩卧趁寒流借問蘆中客何如水
上鷗

鹽漱凌晨罷青簾上海霞殘山多磊砢柔櫓自嘔
呀承掬金焦小分風吳楚賒無人瞻使節野鷺起

蘆花

楊子橋邊路愁牽百丈長
逆流聲涌蕩寒月影清
揚炬火明津驛貂褕滿座
牀黔黎正艱食舉酌莫
相忘

短日千帆急湖河簸浪高
綠煙飛蛺蝶金斗泛葡
萄失藪哀鴻叫搏空黃鵠
勞篷窗漫抒筆何處寫
逋逃

憶昔長淮水乘流直上天
估船歌得寶魚市聚攤
錢近郭吟黃葉寒煙漫白
田西風三屈指無恙託
殘編

雲帆初破浪畫櫂更傳餐鳧臠來方物車螯上食
單簿書慙素飽風水幸平安欲上淮陰廟消搖凝
睇寒

數拒羣公餞微吟許劍詩枳香漂母廟霜涸露筋
祠遞馬連堤站枯魚結樹枝頗聞勤職貢文物勝
前時

事異樵風便舟輕接浙來浪文仍纈眼驥足不沾
埃但覺揚州近遙瞻江霧開布帆須努力遲賞射
堂梅

北固凍雲柯南徐寒浪多江天餘澹沲日月易磷

磨一水週龍藏羣帆雜鳥囷誰期千載後遺恨暨
陽阿

危峰如卓繖百里望龍潭支水穿寒碧晴雲上蔚
藍客程過大雪家信只空函或問淮南事中冷水
一甌

廊前玉蘭

殘梅擁髻燕差池開到辛夷畫始遲淡日輕雲工
捉搦長風闌雨費支持連城不靳春無價隔歲先
胎玉少疵却傍青霄慚橐筆誰傾北斗浥瓊枝

雨中飲餞醉甚卧輿中行三十里始醒戲

題一首

卯醉曹騰墮玉鞭
筍興輕藉半程眠
未妨花朵褰帷笑
應共春山絮帽偏
耳雜林風時一醒
腹搖鼻息更頽然
吳儂愛我知何語
放浪江湖載酒船

雨霽望龍潭諸山

織影流雲接寶華
江風攪翠靜紛拏
一方雨脚藏龍氣
百軸晴眉展畫義
寒閤谿桃松欲倒
戰餘石壘鼓曾過
可憐金粉空塵土
自信勞勞飯煮沙

玉山僧院牡丹

舊種知名貴重臺
雜卉茵紫衣端向
曉紺宇靜移

春江露扶頭重山杯洗足頻聞黎將此意歡喜供
天人

發橫林未到錫山六十里示同舍

冥鴻沙鳥極升沈畫舫青簾共盍簪鼓吹似誇行
部樂石尤偏解看山心洗塵雪乳論鉅賤罽淖春
麤沒脛深見約買田非臆說煙鬟來往識挈音

雨霽過滄浪亭遲悔菴先生不至和壁間

漫堂中丞韻

領略南禪茗一杯滄浪亭上步紆迴野雲閣雨都
乘趣亂石分畸自起堆士女閑拋寒食過郎官遊

及菜花開赤欄晚晚添春漲鼓角頻疑小隊來

三月九日田梅岑攜二家詩見訪集後陶

寓齋梅岑有作和之兼傷雪帆

酒面漚吹曉上塵雲霞勢合眼前人寒分白曉黃
昏雨老看吳頭楚尾春關塞招魂埋宿草江湖餘
潤泛枯蘋

雪帆歿傳
君營其喪

揚州太守憐才舊生死論文

誼獨真

高鶴修琴友索贈時寓僧樓即事戲之

雅識吳音妙微風縹緲間客牀閒綠綺僧榻看銀
山龍樹身多幻鴛摩鬢早斑無由破岑寂邂逅一

開顏

題廊前玉蘭二斷句

剖玉吹蘭自脫胎
司春辛苦護花臺
毳苞滿地無風掃
時下西廳縛帚來

暖日蒸雲目欲眇
石闌隱几對讐思
此花嚴淨離文字
紫焰空題白傅詩

西堂新種牡丹雨
夜置酒限沉香亭
三字羃歷分叢雨
未深小軒清醉漏
沉沉貴家風範真
難近一宴蘭膏直
鋌金

梅子楊枝綠近牀
年年拚道趁春忙
馬蹄更漫嘲

寒劣湔洗門楣百寶香

不廢風流是此亭移花月令按圖經太平翰墨多
清暇預劃烏絲製小屏

三月二十六日登舟值雨漫題

夏雲匝匝淹春雨放溜吹吹送舵風水草差差飛
燕子衾裯淅淅對鳬翁燕居西塞漁簑外眠食南
宮墨審中擾擾簿書無日了枉拋淨綠戀殘紅

過燕子磯

夾岸蒲蘆鳥毳重楚天煙浪劃江濃巖花瑣碎常
疑雪野寺微茫漸覆松剩有閑沙窺鷺格欲因細

雨看魚喁峭帆的的空濛去極浦回聞十里鐘

夜雨宿玉山寺

檻外寒江百丈深一龕側塞雨泠泠道人自爇香
煙坐童子能通水觀心海若何求頻闕戶修羅此
際罷彈琴茫茫寄眼蟲天外已聽雲堂粥鼓音

和靜拙翁圍爐原韻

絕塞穹廬火山堂楫拙爐客年遊思苦江草坐來
蘇遠惠稱船賤分貽束帛煏烘春嚟詩老熾位擁
梅姝盹熟丹培竈紅熒曙促烏嬾寧工自煨飲或
拉諸屠栗事間重疏芋香或異呼不知增雪笑吟

得曲身無

送程吉士

十日九雪徑未開于思于思著屐來升堂撥我櫝
杮火發端設難窮根荄自我離羣久廢學嬾從鉛
槧搜糟粕埋頭愧子真古人何物能移讀書樂我
今再拜復何辭慎莫羞爲童子師過江驢券晴應
賤相待鮐魚大上時

西池集飲喜晤陳心簡

邊海極相思江關老賦詩非干投轄數所恨識君
遲石葉新妝女儂音白項兒由來紈袴輩不稱眼

中奇

一品尋棋格雙彈試越謳蠟香凝夾弄粉鏡挂岑
樓假託齊奴富乘除宋玉秋清池方數武來日更
陪遊

雨中和漁村韻

不掃春廳雪鳴騶罷往來嬾中人日過醉後粉梅
開飲隊妨伶妙狂歌倩楚才劇憐餘韻在寒雨滴
蒿萊

魚廠漫題贈朱遵雲

樹外南風至江邊新雨涼愁翻龜策傳嬾校蒺藜

方季主原非隱泉陽本不傷君看拍波燕來往關
身強

題周雪客廬山托鉢圖

我病恒在手君病常在足平生周公瑾誰輸五困
粟流光不羈馬即事入林鹿終期卧名山逍遙採
芝朮

晚晴述事有懷芷園

兀兀黃梅雨西風漸強晴困防推案睡閑習遶階
行節氣餘萱草庭柯憶馬纓左藏穿掖路微月夕
塵清

木二言金方三
二
鶉首綿仍御龍舟麥宴寒轉輸通慶尚疏鑿下桑
乾子弟能筋力興儻半綺紉鄉愁正荒遠星斗莫
闌干

雨夕送令彰還廣陵

陂蕩水連江泥塗聚石缸麥韞閒比屋鹽筴困封
樁老客魚千里家山觴一雙何緣共貧病愁坐雨
瀧瀧

戲送錢穆孫

耀君嗑嗑可一石穆君一石興有餘寒曹未怕傾
家釀已辦萍蘂到歲除

石橋執經予最少十年同社夜臺多西州便是香
河水荒草頻添駐馬坡

牢之似舅真何似賓主錢劉韻事矜十月相思烏
桤樹濃油高撥勘書燈

諸敏菴彈平調琵琶手法特妙無和之者

感賦長句

近代四絃誰第一野乘虛傳查八十能操北調變
清鐘前有短朱後矇鐵二子神理苦未超鴟皮玉
撥矜兒曹紫花扎扎白翎雀聽風有耳臨官橋高
宮入破無繁徵楓香一拍崑崙死雙彈重按海東

青邊關略犯河滿子蘆管角角鷄登木胡撥嘈嘈
怪鳥啄輕攏慢撚得餘閒猶截紅牙整巾束葉兒
摘惡笑揚州官筵粉墨雜啁啾套數空翻村衙鼓
晚風不唱十三樓錦堂壁月荒煙冷隋唐宮調無
人省羣看輪手拂檀槽四座蒼蒼亂花影

題畫有感

蘆花楓葉誰能咏落木飛鴻漫乞詩一段寒江魚
網水空簾看到日斜時

布帆穩壓玲瓏去更畫茅堂不着人綠浪紅塵加
一等只應閒處辦閒身

格是欲歸歸未得還堪作想想難憑平生下筆持
公論千古風流張季鷹

贈武元樸

齡儀測驗雜諸家節氣平分較歲差說與尋常推
筭子何曾熒惑在匏瓜

菊花爛賤滿城開博帶披綿塞巷來更要與君論
食料皖江須趁米船回

觀奕口占和漁村

短日圍碁不滿盤墨雲冰壑對生寒女兒香苦胎
茶釀賺得王郎側帽看

謂積薪

閉門劖菜足生涯坐隱東軒未較差堪笑孤山老

處士閒情只許賦梅花

後陶說林和靖事爲笑

凍柳聊蕭卷旆旂滎陽未北我先知塵沙劫後仙

機盡正是鳴鐘息脇時

聖初戒子早卧

看西廊秋葉

石莧經秋艷婆娑葉一廳絢如張綵帕荒似蔽山

町片片防蟲字枝枝簇鳳翎坡陀看愈好夕照若

爲停

荒庭堪鬪草令節罷尋花狡獪逢青女新鮮割絳

霞錦窩人易嬾霜候雁頻差無事論貞脆寒山幾

輶車

夢遊吾谷樹醒倚錫泉楓詩境幻相對秋光真不
同掃除文牒障徙倚菜畦風頤老丹砂色他年鶴
髮翁

矮窗塵壓額高處望如林沒骨時髦手拈鬚老大
心自能賴醉頰所在急疎砧采遍東籬菊黃花點
點金

戲題李萊嵩使君新舫

駑駘伏櫪空悲老舡艫聯檣獨咏新能事軒窗得
深穩折腰容爾看山人

柔櫓嘔呀呬復咍漫誇金翅蔽江開
倉父何堪洗脚入孟婆未怕打頭來

黃花綠麥畫難描一葉輕帆五兩潮
何許金閨折楊柳隨風掠過秦娘橋

經郟城從行摘柿偶述

撼撼寒林靜霜紅郟子城稔年餘木實窪地喜天
晴立馬看新摘論錢計滿巖空嗟小園樹防護到
諸嬰

過沂水有懷芷園弟

培塿皆全岱旌旄望屬車龜蒙森蔽翳梁父意何

如寒事顓臾早征軺沂水初西風正驅雁回首益
躊躇

九月七日蒙陰曉發

漸覺忘生日雲山亂眼前壺觴聊自屬痰疾可同

湔

時方
病起

天色微沾雨林香緩著鞭出門青草路馬

齒又三年

過溪

亂石蒼山口清溪十里遙居人寒不涉落葉自成
橋去去空塵轍行行急暮飈曾爲五湖長沙鳥漫
相驕

聞杜漁村述方逸巢近况即和膝齋詩奉

柬

客喻維摩病新移廬下齋自題方丈小不隘百千
偕是痛非真臂因嬉罄老懷城南諸酒伴無復醉
冠釵

逸巢讀是痛非真臂句作詩見荅復和一

首

托體爲君臂痠觸處真尚誇能草檄詎歎不如
人歲月柳生肘江湖魚脫綸相忘自相得勿藥試
舒伸

廳前紅梅初開折一枝寄子猷索詩

晴簷鳥雀譁梅著一分花便信寄春去閒中知體
佳軍持涉江水綈几達晨衙試擬凌風態詩情可
較差

耦長索題行卷

詩憶宣城派梅家畫可師品題多雅健墨瀋入荒
奇故國仍烏帽寒齋共白髭江風坐蕭瑟遠媿彥
升兒

西軒

西軒爽塏勝東軒門逕微嫌晉接煩我亦習常殊

不爾遶林山鳥寂無言

卧病經旬萬慮疎鵲爐塵尾悉蠲除苦難一事貽
兒笑上口清晨誦藥書

匝月陰蒙始放晴柳條乙乙草縱橫何難盡遣第
琶手淨眼看花破死生

支俸金鑄酒鎗一枚寄二弟生辰

自作銀鎗一尺圍嘉量伯仲素無微比聞飲嗽君

常健聊伴書函使欲歸三品全家增舊祿

近蒙恩擢階正三品食俸

百花同日著新緋

生辰同花生日

瀕行復憶前時笑皓首雲

山願莫違

別時曾述宋子京開元寺語為笑

引鏡謝客

斯人病且癯漸白數莖鬚形體看衰始風花覺致
殊煙波情亦淡塵海路常紆孰耐支吾老燕南宅
一區

聞靜夫傷臂口占二詩慰之

偶然成缺陷七鬯改前持誰贈千金藥空哦五字
詩角巾同一墊衣被久重池

時悼亡未久

偈仄人間世道

遙未有期

流觀山海後跂足咏荆軻骭髀披圖悞

因展畫致傷

風流

墮馬多神來須醉會痛定紀勞歌試筮蒼簣竹而

今脫斧柯

送朱林修北試

經義兼詞賦科條孰後先
果聞需實學於此勵時
賢緩酌揚州酒高牽上水船
雲霄隨意去老鵲豈
空拳

棟亭詩鈔目錄

卷四

中秋西堂待月寄懷子猷及諸同人

同人分曹劇飲拇戰連北期靜夫不至更訂

飲期戲爲韻語邀之

藥後除食忌謝方南董饋鮓雞二品時將有

京江之行

宿龍潭定水菴閱案上華嚴有感題壁

金山圍爐話次凌虛僧見子句有喜色作此

示之

西軒大雪餅中紅梅盛開憶去年寄子猷詩
感而有作

聞孫冷齋有琴來閣看雪詩率和代東兼念
子猷

宿華陽

和毛會侯席上初食鮓魚韻

惠山納涼歌

入靈谷寺

蒼翠菴看梅

穀日西軒燕集

戲題西軒草木

即事

辛巳孟夏江寧使院鶴舫先生出張見陽臨
米元暉五州煙雨圖徧示坐客命題漫成
三斷句

雨夕隅懷桐臯僧走筆得二十韻却寄
贈卜者楊老

病目初愈思與書宣小飲時軒前玉蘭將開
寄題顧書宣編修牕酒石

送楊公漢歸浮槎

送奕師張崇輝南遊

和孫子魚食薺詩寄二弟

送施潯江方伯之任湖南

施潯江和詩留別兼餉荔枝酒作此志謝

題王南村副使風木圖

西軒賦送南村還京兼懷安侯姊丈冲谷四

兄時安侯同選

荅江村高學士時方求櫟園藏畫

題電巖塔影樓

潯江以夜坐詩見寄兼餉武彞茶

題胡靜夫藏僧漸江畫

題樸仙畫五毒圖

再題

病起弄筆戲書

讀洪昉思稗畦行卷感贈一首兼寄趙秋谷

贊善

咏軒前秋竹

渭符姪過慰有作時頒詔入閩恩許還家

上塚便道至白下

戲題王安節畫

題姚後陶比丘小像

毘陵舟中雪霽

廊前手植玉蘭盛開同人讌賞無詩自題一首

又題

玉蘭開殘題一截句

二月廿四日大雪戲柬靜夫逸巢二老聞連

日出門看花

和冷齋西軒玉蘭原韻

時冷齋有弄璋之喜

竹村大理寄洋茶滇茶二本置西軒中花開

索詩漫題二首

觀陸史臨倪高士畫戲見陽

和耦長西堂坐雨

讀葛莊詩有感即韻賦送劉玉衡觀察歸涿

鹿兼懷朗崖李公

時峙乃二弟同行

句容館驛

不寐

橫林逆風口號

荅顧培山見嘲

舟中望惠山舉酒調培山

過無錫賣茶器處

虎丘僧軒坐雨遲培山未至漫成

歸舟和培山見荅韻

泊舟錫山晚游泉上

時大水平堤
屢涉始達

明日復至泉上題一斷句

過祈澤寺與培山並興行三十里

淳化鎮

夜坐限螢字

夜飲和培山眼鏡歌

時方鈔
說字

硯山歌

黃山松歌

和培
山韻

琴塲歌

題畫綉毬花

題柳村墨杏花

蠅

蚊

蚤

蟻

蝸牛

送培山之鹿城

月下和吳秋屏韻

洗桐

墨蘭歌

爲見陽太守賦見陽
每畫蘭必書容若詞

孟秋偕靜夫子魚尊五殷六過雞鳴寺得詩

三首

棟亭詩鈔卷四



千山曹寅子清謨

中秋西堂待月寄懷子猷及諸同人

涼風萬里騎蟾背汗漫誰遊碧落間濁世陰霾難
久障幻人梯棧強高攀空香浥路飄絲雨重穀流
雲褱珮環直待滿城絃管歇漸分清影上屏山
雲罅寒光瀉水明揚箕浥斗正西行廣庭柳起僂
僂舞深巷雞驚喔喔鳴間夜相看如曠別幾人同
寤亦深情不知風雨長淮岸拍枕波濤何限聲
同人分曹劇飲拇戰連北期靜夫不至更

訂飲期戲爲韻語邀之

湖海料人惟有酒拇戰連番矜好手胡公健者身
獨藏怕脫兜鍪驚老醜花枝苦乏喝盞輩所習揚
解兼贊侑碧海鯨呿未稱奇均堂味濡曾誰疚事
去空興廣武歎疑成盡作街亭走一鼓何難卷白
波三北竟悞占車右堙井夸竈尚可圖來朝急駕
母宿留

藥後除食忌謝方南董饋鮓雞二品時將
有京江之行

藥餌經冬厭笋蔬每看良食憶鯖餘耐寒時欲存

鳬臞躁擾疇堪議蟹胥百嗜不如雙跖美頻年自
愧一坭虛臨堦檢點饗恒足仍欠鵠夸挂屬車
宿龍潭定水菴閱案上華嚴有感題壁

僕馬江南岸間關煙火遲望中生住想歇去覺閒
癡敗葉風輪轉空山雨點知十年方一瞬飯後且
吟詩

金山圍爐話次凌虛僧見予句有喜色作
此示之

瓦閣雪融處寒江聲悄然偶拈一箇字似勘五宗
禪

時與法乳和尚
話三峰事

刻畫難求是精微次入玄行持無間

念把筆已多年

西軒大雪餅中紅梅盛開憶去年寄子猷
詩感而有作

折贈非無賴東風用意偏爲誰
賴注頰一笑雪漫天小盞澆寒
退疎香致語前莫嫌丰度冷喜
色自今年

聞孫冷齋有琴來閣看雪詩
率和代東兼
念子猷

朔雪殘冬盛河流凍復艚望風
艱警歎醺酒祝亭臯貧
悉家居穩寒爭眼界高西軒亦
清絕揮涕手

頻勞

寂歷誰同賞
寰區意向闌
忽開孤嶂曉
獨坐白雲寒
琴有移情悟
詩工聚景難
因君乞三筆
裂取畫圖看

宿華陽

多年嬾慢水曹郎
輒爲寒梅辨急裝
詩思灞橋驢背上
春風畫牒虎山傍
光福橋名大茅晴雪臨初舍
澤國重裘類朔方
最是衰脾慵早起
不堪蓐食徧津梁

和毛會侯席上初食鮓魚韻

婪尾花殘水驛忙晚庭清蔭食單涼乍傳野市和
鱗法未敵豪家醒酒方昌鼠黃華爭臭味伊魴洛
鯉貴牛羊饌饌亦恨同羗製愁拌紅糟抑鮓嘗

惠山納涼歌

柳上一蟬鳴不已柳下迴風激流水老僧掃石待
清眠勸客睡心先睡耳我耳初離市朝語喜聽清
商變繁徵九龍會意散煙鬟傳翠揚顰三十里詎
識塵埃襜褕子机砧炙熱爭餘滓面具衣裝弄假
人號是裸民應未恥張腋無汗頰無泚前山落日
波純紫臨風叩齒漱寒泉今夜移舟太湖尾

入靈谷寺

香臺漠漠世間塵
玉殿空山有比鄰
五里蒼寒共雲霧
百年王氣自嶙峋
馬塍酹客穿陵隧
鴨脚干霄逼相輪
我亦倦遊同苦行
鐘聲頻警出坡人

蒼翠菴看梅

經年不浪出孤策
自逍遙野寺彌春旭
清霜濕半橋
護垣叢竹老
念佛炷香銷
閒戶無塵迹
繁紅太寂寥

蓓蕾迎年破
雙株隔院開
氣先正月雨
綠厚一身苔
難老成佳匹
空香合笑胎
幽棲還琢煉
須趁月

明來

穀日西軒燕集

上春八日喜春晴屋角梅枝照夜明官況陳年成
長物酒讐連席奮疲兵山香舞就寒蟾色笑語喧
於畫鼓聲但嗜糟醅屬吾黨未妨滅燭絕冠纓

戲題西軒草木

螺女棲香入露叢鼠姑含孕怯春風飄來柳眼疑
全笑覺後梨雲夢已空

夾路蕪菁敗素鮮舊薇削弱不成妍甘蕉葉大戎
葵醜或有山榴似火燃

即事

炭渚楊花霽松飛瓜洲雲日弄霏微年年三翼乘
潮去趑趄迎人晾酒衣

二分明月揚州夢一樹垂楊四百橋斟酌斷腸無
日了柁樓閑坐譜瓊簫

辛巳孟夏江寧使院鶴舫先生出張見陽
臨米元暉五州煙雨圖徧示坐客命題
漫成三斷句

山雲濛瀼樹無根元氣淋漓不可捫欲鬪虎兒扛
鼎力祇應墨法識真源

才
三
騰蛇無足鼯多趾已覺風流過漢陽我亦蹒跚負
奇癖短衣徒手逐黃麀

百年文酒西軒會素領蒼顏半座中顧盼獨誰東
向笑五州煙雨片帆風

時崔船
將東歸

雨夕偶懷桐臯僧走筆得二十韻却寄

晚衙鼓鼙鼙簿牒清擾擾佩筆二十年畫字苦不
了墨猪負躑躅歌雅亂潦草有時自不識從吏紛
絕倒焉知唐與晉甲乙過酉卯阿師伽黎秀慎墨
如秘寶貽我兩卷書屈強逼坡老崩崖落縋石渴
驥破閑阜妍媸笑相形波脚競研討往往透紙背

逸氣振羣槁小詩亦有法立論復佼佼名根縛枯
寂慧業障煩攪宵來無夢睡微雨徧叢篠灑然耳
目異頓覺茶蔬飽不知修持中何行具此好千秋
磐陀石潮汐應胸膈楚夾一日歸檐簷入幽窗修
江結重雲危帆迅飛鳥流滯江東宦寤擗空堂曉
徒撚木楔子碌碌鏗指爪

贈卜者楊老

楊老性淳慤拱揖類童子靈光寄槁木矢口決生
死閒跨秃尾驢緩曳歌芒屣樂稱太守賢不歎云
何里原薌飽饘粥秋林盛茂猷行歌拾蘋卵遠釣

渠湖水通人奚足方勞矣執鞭士

病目初愈思與書宣小飲時軒前玉蘭將

開

絮帽風寒九九晴辛夸花發近清明半春眼苦黃
連暗數日堦閑碧蘚生欲摘瓊枝邀夜坐共看光
彩化雲英楚江鼓枻中流去暫滯應無隔宿程

寄題顧書宣編修牕酒石

君家石好我未見顚窠洞窅詩得之波淘浪激歷
人代豈有爪目鱗之而橫理庚庚地骨坼呀呀大
口開天池頑荒一剖絕無用興雲出雨騰蛟螭吾

生有癖亦嗜此大車稠載羅堦墀經營位置每終
日賓客雜坐兒童嬉君今好同百不異剝落苔蘚
含糟醅汙尊杯飲學上古脫略冠帶當欽崙松風
一覺偶然耳海內傳賞瓊琚詞君不見揚州法釀
春江色升斗誰能遂浮拍玉堂盲盲天門深他日
者思踞孱顏不可得

送楊公漢歸浮槎

一秋肺熱苦耽茶草草重陽就菊花歸去雙匏好
封寄西軒泉品缺浮槎

稻香樓近棗香村天壤名成一飽溫游藝莫言徒

鄙事也憑悔吝教兒孫

送奕師張崇輝南遊

湫居已足除風雨湖海今將續舊遊
岸幘何門稱上客揮毫一賦即名流
王郎馬鬣原無敵張子心兵不外求
試把青鞋安頓處每逢便信寄昇州

和孫子魚食薺詩寄二弟

野薺蒙霜雪能先衆草生賦形同
薪萁聚族異蕪菁肉食甘常勝
山厨品最清異鄉頻舉筋糝對
梅英

沙鉢窮家活皇天茁此徒青青隨
麥隴濟濟困泥

塗覓陸時消長豉鹽乍有無平生舖餽意未改茹
園茶

送施潯江方伯之任湖南

三年卓筆賦黃樓期建高牙過石頭酒熱一時渾

浪語旌麾果喜見前驕

嚮飲彭城署中劉孟倬連擢山左曾以此期潯江今果然矣

保

釐藍縷功非細開拓窮荒慮必周何限吳民截鞭

鐙

潯江去已七年百姓愛戴不衰

稍因風雨暫淹留

施潯江和詩留別兼餉荔枝酒作此志謝

誰拈重碧擘輕紅萬里春隨舳舻風方物常年隨
職貢郵籤第一接詩筒可憐口腹知吾嗜聊遣離

愁對使空斟酌色香渾未改簷花狼籍晚煙中

題王南村副使風木圖

風木吟何限杯圈屬孝思窮年護丘壠
駢墨變松茨破散傷游子清明摘柳枝
披圖良觸迂日暮更深悲

西軒賦送南村還京兼懷安侯姊丈冲谷
四兄時安侯同選

宦遊常苦累食指徧天涯朱紱聊通隱
青瑣盡挈家計程除目美遶道出京斜
舒卷層霄內風雲望眼賒

愁坐懷親串空軒結想初連鑣雙使節上塚一迴
車墟里寒泉在蠻音稚子餘南村饒樂事早晚報
緘書

湏水不可釣松茨聞欲荒春風苦棟樹夜雨讀書
牀骨肉論文少公私拂紙長頻煩達聲口努力學
農桑

答江村高學士時方求櫟園藏畫

遠訊青溪使秋來兩發函間時成契濶即事避趨
趨同喜高堂健頻分賜饌甘巖廊殊未已堅卧恐
難堪

廿載郎官舊追陪
扈聖遊辭榮見疏
廣踐迹問羊求
好作歸田錄
真乘泛海舟
樵風如有意指
點近沙洲

在昔論書畫
風流獨大梁
癖非端近代
貧已困諸郎
竟脫珊瑚網
今登玳瑁牀
如君真不朽
識跋幸加詳

題電巖塔影樓

禪居無異見
塔影入窗新
晰喻琉璃似
搏空凸凹真
鳥來疑倒挂
雲滅想因塵
欲示諸天趣
還同晏坐身

尋江以夜坐詩見寄兼餉武夸茶

端居無喧寂廓然神自來因誰結情語亭角梅花
開梅花如幽人笑破胭脂腮昨歲冰凌憎今歲雪
皚魏陽和會有待且願撥寒醅

北源恒苦俗松蘿不同器武夸真仙人陽羨近名
士此評出高陽恐犯玉川忌多君致紫芽滌我塵
土胃閉門謝諸賓斟酌窮水味

題胡靜夫藏僧漸江畫

逸氣雲林遜作家老憑閒手種梅花吉光片羽休
輕覩曾敵梁園玉畫叉

周槃園藏畫以缺漸江者爲恨
漸江老喜種梅號梅花和尚

題樸仙畫五毒圖

南蟲毒頭北蟲尾餘蟲蘊毒隨方止含牙濡吻各有營此物不生造物死不韋追形毒厭毒夜簷白鳥啾啾哭醉鄉廣大歸去來涼風共倚堦前竹

再題

跂跂胍胍善緣壁即且甘帶鼃羅織老蟄蟠腹不避人蠆尾爬沙白晝出五蟲鎮惡世所傳裸蟲更毒生其間朱天長養豈無意南華只解夔憐蛇流鈴八衢火萬里入手騷除心得已鳳毛麟角安在哉紫茸銀艾空披靡

病起弄筆戲書

不恨不如王右軍但恨羲之不見我健兒黥面作
真王世上英雄寧有夥鮪生腸無一勺油矢口便
罵東諸侯古人是誰我不識可憐命意同黔婁人
生倔強無終極君不見蜣郎轉丸蜂窠蜜

讀洪昉思稗畦行卷感贈一首兼寄趙秋

谷贊善

惆悵江關白髮生斷雲零雁各淒清稱心歲月荒
唐過垂老文章恐懼成禮法誰嘗輕阮籍窮愁天
亦厚虞卿縱橫捭闔人間世只此能消萬古情

咏軒前秋竹

秋竹碧參差行根得雨遲
節長疑畫粉梢重亂垂
枝鄰壁收寒影荒齋補舊茨
祇緣藥闌處曾見土萌時

渭符姪過慰有作時頒
詔入閩恩許還家上塚便道至白下

王程秋欲邁間道子重過多難懷蘭訊高眠共竹
柯慎言溫室樹嘉遯碧山阿
草草瞻家慶還如淚眼何

戲題王安節畫

四分茅亭寄四鄰
兩株散木不堪薪
風泉浩浩無虛日
但起詩情是俗人

黯澹都成搦管愁
水容山骨兩禁秋
尋常不覺西風惡
纔聳吟肩葉打頭

題姚後陶比丘小像

香海橫流事特奇
盤陀安隱勝須彌
猛風不動袈裟角
彈指閻浮小劫移

麻麥閑情底用愁
見前衰瑞總風流
伽黎不挂原無相
慚愧諸龍乞裏頭

毘陵舟中雪霽

寒雨淹旬不肯晴
毘陵夜雪坎軻平
晨窗旋啓飛花入
卯酒微醺坐眊成
蓬暗麝煤尋舊迹
檣舒鴉喜變新聲
丁年綠水紅亭路
誰記璩璋載鶴行

廊前手植玉蘭盛
開同人讌賞無詩自題

一首

西院辛夸高數尋
鉤簾惟見玉森森
日長清影滿
髣几客至臨風揮
素琴蓬鬢忍青頑
不改苔堦凝
綠晚相侵
苦吟情味應難到
多被晴香觸
迥深

植此

已十年

又題

自署頑仙守閭風天門詖蕩日輪東依稀夢裏朝
元路十萬瑤簪玉色同

玉蘭開殘題一截句

芝蓋夜游玄圃雪寶燈晨焰畫堂風人間花片空
狼籍好是離披想像中

二月廿四日大雪戲柬靜夫逸巢二老聞
連日出門看花

風捲江雲墮鶴毛竹鑪新火熨重袍半青半白覆
簷柳乍笑乍啼當戶桃造物如春愁爛熳酒杯由
客謾操勞北山拄杖西城屐何處登臨吟最高

和冷齋西軒玉蘭原韻

時冷齋有
弄璋之喜

十步輪囷影錯連三株手植自當年
花開快雪時晴後林立官奴玉潤前
每愛清光能映字不煎濃
薺可忘眠摩挲老眼幽窗下恣看藍田日午煙

竹村大理寄洋茶滇茶二本置西軒中花

開索詩漫題二首

瑤島春寒碧纈衣馬嵬塵土踐楊妃

本地單瓣者呼爲
楊妃山茶開易謝

千金笑鬪吳宮草八蘭愁荒織女機
膩眼新晴披綽約歌牀清賞入精微
由來子墨輕標榜玉茗風流絕世稀

筑紫金沙萬里春
滇花開並海紅
新幽齋不著曼
陀雨寶靨誰培
靺鞨塵麗宇綺
羅紛照耀飲光
蜂蝶損精神漫
山百卉無邊幅
裁翦東風恐未
勻

觀陸史臨倪高士畫戲見陽

柳外斑駁繫夕
曛練香衙屋靜
氤氳清泉白石
聊

供具老枿幽篁
幸割分畫苑全
家遺侍史

趙文敏全家
善畫而獨無

侍史詞場一隊掩
孤軍可知解咏
蒲萄後纏棚檄
弓

更軼羣

和耦長西堂坐雨

好雨不期至
霏霖愁過時
開窗對梧柳
決溜聞溝

池浮淖乘軒少紆塗委巷爲思君極疎嬾來往未
嫌遲

讀葛莊詩有感即韻賦送劉玉衡觀察歸

涿鹿兼懷朗崖李公

時峙乃二弟同行

衰病叨陪侍從臣掉頭空羨耦耕身故家喬木今
誰在永日殘碁局更新督亢陂連涑谷水軍都山
接大房春比鄰桑柘添幽興北道明年問主人

句容館驛

野樹出檐長庭鴉哺乳忙胥徒復傳舍窄堵尚斜
陽行馬非殊貴顛毛倏自傷尋常棲息地不敢正

居牀

余十七歲侍先公宿
此今來往三十年矣

不寐

惡馬踣鐵蹄破櫪如斧門飢蚤鼓長喙哀鳴徹耳
根二物憤一食詎識寃與恩鞭箠雜緣撲中夜聲
喧喧呼兒晰其理躡嚙難遽論千里有反莖弱肉
無孱魂蟲畜苟知分世運寧遭屯志士甘藜藿固
窮道乃尊小人逐肥甘動輒遭笞髡驅策事可已
一笑回晏溫推枕不能寐膏火荒庭昏

橫林逆風口號

好風不借天隨子船尾茶煙怕倒吹破曉吳波轉

清脆釣筒收得小魚兒

荅顧培山見嘲

黃塵埽塢馬蹄剗五月誰披白苧衫老去心情非
見獵逆風正喜未張颿

舟中望惠山舉酒調培山

羣山東行不滿眼遙對九龍傾一盞知君夙昔結
山緣吐語調君雙頰莞望山不見石不知山骨清
宿山不飲水不知山氣靈三山五嶽渺何許雲煙
汗漫空矚屨常嗤俗世子吮筆輒求似君胡三覲
面不肯留隻字我能爲君作先容山靈假汝歸來

風蔣家酒樓堪憇脚十日醉倒青芙蓉支硎山虎
丘寺波瀾瀾石齒齒及雨旣佳晴復美況踏龍頭
跨龍尾盥漱名泉伐毛髓放眼憑凌太湖水君如
不遊他日悔

過無錫賣茶器處

白石垂楊岸香泥燕子家春歸如昨日茶興滿天
涯

虎丘僧軒坐雨遲培山未至漫成

東巖礧壑憑臨高風雨橫絕懸驚濤翠蘚連窗走
鼯鼠頽煙壓樹啼韓臯欲尋幽境挂瓢笠直上石

梁窺桔槔坐久瓦餅聲嘖嘖詩成一噓布吹毛

歸舟和培山見荅韻

東南溯歸舟丘壑厭名勝感茲風雨交得暢魚鳥
性軒蓋來無時盛事每難併躍躍手中藤牽我破
苔磴初疑俯蛟宮恍惚失庭徑碧陰盪流潦蕭索
滿孤聽應有飛空仙不樂四禪靜瀾翻劍池水一
洗箏琶興楚妃屏膏沐越女亂粧靚重結聯臂游
獨顧惜泥濘

泊舟錫山晚游泉上

時大水平堤
屢涉始達

白波吹影見巉巖半日靈風已卸颿尚許徒扛容

不借豈煩開道荷長鑱平生慣帶游山雨對客恒披浣酒衫向晚泉聲偏聒耳亂雲層石草多

明日復至泉上題一斷句

空欄嘿坐數漚珠轉入渟泓澹欲無雨後不曾添
七勺一規清影射眉鬚

過祈澤寺與培山並輿行三十里

夢中祈澤寺泉韻澹襟裾古木無亭障涼風舁竹輿
渾忘塵鞅累相賞黑甜餘不必啼山鳥詩人在
副車

淳化鎮

綠樹連村響麥耜井泉無嫌飯無砂消搖慣熟山
園路開徧蘘荷向午花

夜坐限螢字

夜久覺無露層霄微隱星暗涼通井澤聯坐度風
螢祇作菰蘆語旁䟽耒耜經吾人常不襪箕踞已
忘形

夜飲和培山眼鏡歌

時方鈔
說字

銅盤磨雲光綴綴晶瑩刻得棘端刺白頭巾箱何
所爲便便已飽五經笥殘年眇淚如撒沙漫空赤
暈生狂花琉璃自信眼根見靉靄豈尚工僂夸生

人六鑿宜藏用五官首出司明重電光一抹寧再
來兩睚秋水搖春夢追曉寓碗世玩多蛛絲倒影
成擘窠堆案還愁束帶熱等身其奈操觚何六義
精嚴神不滅萬象芸芸親手澤指穿腕脫敢云勞
墨華直灑心苗血塗朱抹碧妄男子涅烏拔白真
羞死雙環奉君君志矢吾衰抽筆猶堪此與君半
百皆稱翁花襠荻戟頗憶嬉庭中義和縱轡肯相
待會鼓猛氣驚盲聾移家定載三十乘請君覆酌
乾千鍾

硯山歌

泗濱浮磬久不採真陽貢石聞前明雲根鏤鑊脫
斧鋸百年拳塊藏真形此山云自樵夫得褐裹入
市易斗升泰西郭髯持贈我十硯陪列如排星按
圖絕似小岱嶽背腹渾厚無鋒稜胡桃紋深卧沙
遠中函圭竇通空靈雨晨微潤淺蒼色犀椎試扣
生銅聲晏然股脚妙趺坐畫師竒澹愁天成平生
身外寡長物齟齬却掃當風櫺獨此移人勝珠玉
恐縮大地浮蓬瀛襄陽牙儂笑齒冷仇池夢覺歸
青冥雄文誰能壓百怪墨海灑浪飛煙驚束錦重
緹待好手品跋轉憶雲間生

董文敏跋米
石圖語甚妙

黃山松歌

和培山韻

蒼髯擎空石几几落子生根千澗底丹臺一去飽
塵沙偃蹇蚪蟠盤不起擾龍非龍山無山乳毛被
體鱗皴斑煉形恐是古秦女姿韻颯爽浮煙鬟松
乎松乎百昌過時誰復榮何必天都萬仞誇崢嶸
幽齋白日喜長夏自扣枯匏歌隰苓

琴塼歌

鄭州古塼五尺強方花隱起驚鷺翔
嶄然廉角不苦窳口尻哆豁如車箱
稗官流傳號琴薦土鼓康瓠函宮商
甄陶堅緻歎前代應有響屨連雕牆
開

元連錢陋穿鑿

見鄭世子墳
律呂精義

昭華截管隨弛張縻絲

誰聞九寡珥匏巢空沸千蜩蟬坐靡宗祿奉游豫
行唱籤記稱清狂乃知流韻托槁木未若磨礪親
沙塲塲兮笑爾不經濟爲爾湔滌勤周防 聖朝
聲教被海寓一物不棄包遐荒八窗洞達散煩愠
兒童擊壤歌時康君不見支鐙擘紡有功用猶勝
踐踏拋街坊

題畫綉毬花

瓊枝璧月競風流晉鄭誰知盡白頭道得牆陰殘
雪在清新祇許宋商丘

題柳村墨杏花

勾吳春色自蕭蕭
多少清霜點鬢華
省識女郎金
足袖百年孤塚葬桃花

蠅

擾擾秋蠅子
麾之去復來
偷生戀薌澤
瀕死活寒

灰捉足時遭侮
攢頭枉見猜

見北史

晨曦在東壁
爲拓

紙窗開

蚊

豹脚潛無迹
還如鬼瞰家
孤飛長喋血
老喙漫生
花草壤隨方
聚焚煙薄市
斜蹣跚笑
蝙蝠昏黑遶

簷牙

蚤

鵠鷗能捕蚤明察恐無功
方法蒸桃葉奇謀盡火
攻細難驅世外急復處
裋中踴踴無他技終於盤
水窮

蟻

小蟻收瓊粉縵綠滿筴枝
巡行成鳥道斂影絕蛛
絲富驟移封早軍驕敗氣
爲飄搖感風雨狼藉到
堦墀

蝸牛

亦知生事拙獨負一廬游螺女不相妬哀駘無外
求蘚花崖石古瓜蔓井渠秋大笑滄溟外青紅漫
結樓

送培山之鹿城

樓角晚霞明清江縱櫂行裝輕黃篋舫詩滿石頭
城舉扇蓉湖曉支筇虎阜晴滄浪亭下水隨意濯
冠纓

闔閭城上望雲影見崑山愁思風旌外親情帶水
間移家三換印對月幾開顏無物酬鄉黨風流溯
往還

月下和吳秋屏韻

月林移短榻復此枕函清毫末無潛照宵中恐太
明極圓初伏尾當午夜號鳴銀漢織阿近西風整
御行

柳絲雖冪冪不礙碧梧陰殘夜荒更轉空簷白月
深目窮冰彩豔手弄井華吟莫結空山想寥寥見
古心

洗桐

庭蕪不翦從吾嬾手課長瓢日洗桐小草旋霑生
意足千花一笑轉頭空兒童運臂成風雨老翠低

簷入幌攏猶戀石欄歌枕處數聲殘滴似吳篷

墨蘭歌

爲見陽太守賦見陽
每畫蘭必書容若詞

摺扇鄣風花向左鸞飄鳳泊驚婀娜巡枝數朶歎
師承顛倒離披無不可瀟湘第一豈凡情別樣蕭
疎墨有聲可憐側帽樓中客不在薰鑪煙外聽盛
年戚戚愁無謂井華飲處人偏貴餽桃敢信敵千
羊孤芳果亦空羣卉張公健筆妙一時散卓屈寫
幽蘭姿太虛游刃不見紙萬首自跋那蘭詞交渝
金石真能久歲寒何必求三友祇今擺脫松雪肥
奇雅更肖彞齋叟

孟秋偕靜夫子魚尊五殷六過雞鳴寺得

詩三首

遂有尋詩侶青林引興前僧荒太平日地創永康
年香際憑高鳥湖風浴早蓮悠然坐蕭遠煙雨閱
諸天

飈輪飛十代秋草屬前朝聖蛻隨遷化凡情墮寂
寥頽城疑護埭老樹強題蕭洵瀘河沙在能忘爪

髮銷

甲申重過又
三十一年

睡足平生事山窗絕見聞孤筇臨別路萬竹倚斜
曛白業雙林靜青溪一曲分應披精進鎧長此却

魔軍

靜夫云苦耽
故有末句